

生評

醫西母貫

步月樓藏板

醫貫目錄

醫無間子著

呂醫山人評

卷一

玄元膚論

內經十二官論

陰陽論

五行論

卷二

主客辨疑

中風論

論口眼喎斜

厥

傷寒論

溫病論

論陽毒陰毒

鬱病論

齒論

口瘡論

耳論

耳瘡論

消渴論

氣虛中滿論

噎膈論

瀉利并大便不通論

小便不通并不禁論

夢遺并精滑論

卷六

後天要論

補中益氣湯

傷飲食論

中暑傷暑論

濕論

癰論

痢疾論

絳雪丹書

論血症

卷四

先天要論上

八味丸用澤瀉論

六味丸說

八味丸說

滋陰降火論

相火雷龍論

陰虛發熱論

痰論

欬嗽論

吐血論

喘論

喉咽痛論

眼目論

卷五

先天要論下

醫貫卷之一

立元膚論

內經十二官論

心者君主之官也神明出焉肺者相傳之官治
節出焉肝者將軍之官謀慮出焉胆者中正之
官斷決出焉膻中者臣使之官喜樂出焉脾胃
者倉廩之官五味出焉大腸者傳道之官變化
出焉小腸者受盛之官化物出焉腎者作強之
官伎巧出焉三焦者決瀆之官水道出焉膀胱

者州都之官津液藏焉氣化則能出矣凡此十二官者不得相失也故主明則下安以此養生則壽歿世不殆以爲天下大昌主不明則十二官危使道閉塞而不通形乃大傷以此養生則殃以爲天下者其宗大危戒之戒之至道在微變化無窮孰知其原窘乎哉消者瞿瞿孰知其要閔閔之當孰者爲良恍惚之數生於毫釐毫釐之數起於度量千之萬之可以益大推之大之其形乃制

內經文

玩內經註文卽以心爲主愚謂人身別有一
主非心也謂之君主之官當與十二官平等
不得獨尊心之官爲主若以心之官爲主則
下文主不明則十二官危當云十一官矣此
理甚明何註經者昧此耶蓋此一主者氣血
之根生死之關十二經之綱維也

按內經此篇本爲黃帝問十二藏相使貴賤
何如而岐伯答之如此謂十二官各有所司
而惟心最貴心得其職則十二官皆得其宜
猶孟子謂耳目之官不思而蔽於物心之官
則思思則得之蓋心與百体分言之則各有
所官統言之則心爲百体之主卽此義也故

曰君主之官曰主明文義自見若謂別有一
主則心已不可稱君主豈主復有主乎又謂
下文當云十一官不當云十二官此拘牽句
字而不求其義也卽以經文例之六節藏象
論云凡十一藏取決於胆五藏六府胆已在
內則宜云十藏而云十一藏又將別有一胆
耶靈樞邪客篇曰心者五藏六府之大主精
神之所舍如趙氏言亦止應云四藏六府之
大主矣又豈心非其心耶夫曰君主曰大主
經中明以心主爲重惟心主故可曰明不明
可曰以養生以爲天下正爲神明出焉故也
如以命門爲主文義皆不通矣言豈一端各
有所當以經止就十二官中分別貴賤相使
而言初無別有一主之意趙氏欲主張命門
爲一身之要未嘗無詘而必穿鑿經文以附
會之却不可爲無主雜援儒異以強合自文
更失之矣凡論學
論醫皆不可如此

或問心既非主而君主又是一身之要然則
主果何物耶何形耶何處安頓耶余曰悉乎
問也若有物可指有形可見人皆得而知之
矣惟其無形與無物也故自古聖賢因心立
論而卒不能直指其實孔門之一貫上紹精
一執中之統惟曾子子貢得其傳而二子俱
以心悟而非言傳也設以言傳當時門人之
所共聞不應復有何謂之問也後來子思衍
其傳而作中庸天命之性以中爲大本而終

於無聲無臭孟子說不動心有道而根於浩然之氣而又曰難言也老氏道德經云谷神不死是曰玄牝玄牝之門造化之根又曰恍恍惚惚其中有物佛氏心經云空中無色無受想形識無眼耳鼻舌身意又曰萬法歸一一歸何處夫一也中也性也浩然也玄牝也空中也皆虛名也不得已而強名之也立言之士皆可以虛名著論至於行醫濟世將以何味的爲君主之藥而可以綱維一身之疾

病耶余一日問一高僧曰自心是佛佛在曾
中也僧曰非也在胸中者是肉團心有一真
如心是佛又問之曰真如心有何形狀僧曰
無形余又問在何處安寄僧曰想在下邊余

曰此可幾於道矣

此在禪門亦是弄精魂適爲其所笑耳

因與

談內經諸書及銅人圖豁然超悟唯唯而退

今將十二經形景圖逐一申示俾學者按圖

考索據有形之中以求無形之妙自得之矣

附會不經莫如此論本欲以夸大自文而適見其謬陋

形景圖說

藏府內景各有區別咽喉二竅同出一腕異途
施化喉在前主出咽在後主吞喉系堅空連接
肺本爲氣息之路呼吸出入下通心肝之竅以
激諸脈之行氣之要道也咽系柔空下接胃本
爲飲食之路水穀同下併歸胃中乃糧運之關
津也二道並行各不相犯蓋飲食必歷氣口而
下氣口有一會厭當飲食方嚥會厭卽垂厥口
乃閉故水穀下咽了不犯喉言語呼吸則會厭

開張當食言語則水谷乘氣送入喉腕遂噙而
咳矣。○喉下爲肺兩葉白瑩謂之華蓋以覆諸
藏虛如蜂窠下無透竅故吸之則滿呼之則虛
一吸一呼本之有源無有窮也乃清濁之交運
人身之橐籥肺之下爲心心有系絡上系於肺
肺受清氣下乃灌注其象尖長而圓其色赤其
中竅數多寡迥不相同上通於舌下無透竅心
之下有心包絡卽膻中也象如仰盂心卽居於
其中九重端拱寂然不動凡脾胃肝胆兩腎膀

膀胱各有一系系於包絡之旁以通於心此間有
宗氣積於胸中出於喉嚨以貫心脈而行呼吸
卽如霧者是也如外邪干犯則犯包絡心不能
犯犯心卽死矣此下有膈膜與脊脇周廻相著
遮閉濁氣使不得上熏心肺膈膜之下爲肝肝
有獨葉者有二三葉者其系亦上絡於心包爲
血之海上通於目下亦無竅肝短葉中有胆附
焉胆有汁藏而不瀉此喉之一竅也施氣運化
熏蒸流行以成脈絡者如此咽至胃長一尺六